

理

學

宗

傳

理學宗傳卷之二十三

容城孫奇逢輯

門人

馬龍錫

馬載錫

全編

明儒考

呂新吾公坤

坤字叔簡號新吾河南寧陵人質稍鈍讀書不能成  
誦苦訓詁家言亂之益不能解坤乃一切棄置澄心  
體認本旨久之了悟人日即不怠年十五讀性理諸  
書欣然有會作夜氣鈔擴良心詩降慶辛未成進士

丁母憂萬曆甲戌廷對授襄垣令襄垣劇尚嚴明明  
年調大同大同貧尚撫字培植桑良哉抑豪橫兩地  
甚德之先是襄垣土豪某被坤大劄幾斃去之日送  
數百里曰蒙劄誨今而後不復犯法矣知大同時有  
以人命坐抵其劄王家屏係鄴邑大紳向坤言之答  
曰獄已成不可及嗣家屏任吏部與僚友曰天下第  
一不受請托無如大同令也特疏薦坤陞吏部主事  
由是來京由京與某共抵坤歸坤不少退避在鄴十  
年七轉陞署山歷山東濟南叅政按察山西右藩陝

西旋陞山西巡撫所至皆正已率屬務致之行餽遺  
贖羨盡杜絕之尤加意蒙養孤嫠無依者值天下將  
多事更嚴邊防迄後有成法不廢陞協理院事明年  
陞刑部右侍郎尋轉左在京四年與董范之議朝鮮  
之議石門之議堅守一說屹屹不少動惡之者中以  
奇禍舉朝爲危坤一票大目不懲始念戴士衡疏論  
劉道亨救之坤不辭引疾乞休疏凡五上予歸家居  
遇邑疾苦輒身任之不少奪卽多口弗恤也有自京  
師來者要津寄字云葉臺山嘗薦于上當爲致謝坤

曰宰相爲國薦人公也若予致謝是以謝爲求也竟  
不問權璫美官賣書帛至坤曰大臣交結內侍律有  
明禁弗受其守正不阿類如此家居四十年自奉儉  
約不置生產惟日與門弟子講論不輟有負笈自千  
里來者咸推沙隨夫子云坤嘗謂六經簡易明切諸  
儒因之聚訟而裂道深文而晦道拘泥而隘道遂失  
其旨六經者天地萬物之史天地萬物者六經之案  
也而總寄之聖人聖人之心道之府也聖人之身道  
之興也聖人之言道之鑰也天地以道鑄聖人聖人

以道鑄天下又曰世道任自然聖人立世教而約之以當然禮法者維持世教之善物也國之存亡民之生死于是乎係巢山披卷佛老莊列次禮法之防而潰之近有念不及民物學不本誠敬心不存惕勵憂勤拾羅雲餘唾開方便法門以自適其猖狂恣睢之意薄庸庸行爲士且視三百三千爲枉桎梏世教蕩無吟噉宜自吾儒經史外諸清竒高遠竒真妄誕之言悉付諸火作道脉圖又曰一身罪過都是我心承當五官百體無罪兩間罪過都是我身承當天地萬

物無罪作呻吟語嘗推理欲生長極至之說以警世  
復爲圖以廣之謂凶人之與衆人其初非與聖人遠  
也潛滋已久不覺自移故舜跖只爭一念年八十三  
卒於家臨終作友輓歌自撰墓誌銘述性直不委婉  
嚴毅少溫煥居官持法而情柔居家義勝而恩薄當  
事過激涵養功疎奉先人天理二字於磨堂不敢失  
墜遺命勿用風水陰陽家言所著有家禮翼家禮疑  
去偽齋集問範安民實務交泰韻等書贈刑部尚書  
賜祭葬

語錄

卷之四  
不中

正命者完却正理全却初氣未嘗以我害之雖桎梏而死不害其爲正命若初氣鑿喪正理不完卽正寢告終恐非正命也

卷之五  
不中

真機真味要活著休點破其妙無窮不可言喻所以聖人無言一犯口頰窮年說不盡又離披澆漓無一些咀嚼處矣

深沉厚重是第一等資質磊落豪雄是第二等資質聰明才辨是第三等資質



以此觀人  
便以此附  
鑑人則造  
化在我

後天  
後天

凡人光明博人渾厚含蓄是天地之氣溫煦和平是  
陽春之氣寬縱任物是長夏之氣嚴凝欽約喜刑  
好殺是秋之氣沉藏固密是冬之氣暴怒是震雷  
之氣狂肆是疾風之氣昏惑是霾霧之氣隱恨留  
連是積陰之氣從容溫潤是和風甘雨之氣聰明  
洞達是古人則月之氣有所鍾者必有所似

先天之氣發洩處不過毫釐後天之氣擴充之必極  
分量其實分極處原是毫釐中有底若毫釐中合  
下原無便是一些增不去萬物之形已才情種種

堯舜只是  
個介字

可驗也

父母全而生之子全而歸之髮膚還父母之初無些  
毀傷親之孝子也天全而生之人全而歸之心性  
還天之初無些欠少天之孝子也

宋儒有功於孟子只是補出個氣質之性來省多少  
口吻

不動氣事事好

心放不放要在邪正上說不在出入上說且如高臥  
山林游心廊廟身處衰世夢想唐虞遊子思親貞

無非靜養  
他放

婦懷夫這是個放心否若不論邪正只較出入却是禪定之學

防欲如挽逆水之舟纔歇力便下流力善如緣無枝之樹才住脚便下墜是以君子之心無時而不敬畏也

無屋漏功夫做不得宇宙事業

或問鷄鳴而起若未接物如何爲善程子曰只至于敬便是善愚謂惟聖人未接物時何思何慮賢人以下將齊時合下便動個念頭或昨日已行事或

續是善港  
人不正路

無奇生路  
不覺而終

何如善六  
所說

無心之病其  
了念

無微不  
所計其

今日當行事便來心上只看這念頭如何若一念  
向好處想便是舜邊人若一念向不好處想便是  
跖邊人若念中是善而本意却有所爲這又是舜  
中跖漸來漸去還向跖邊去矣此是悟頭工夫此  
時克己更覺容易點檢更覺精明所謂去惡在纖  
微持善在根本也

总是無心之病助長是有心之病心要從容自在活  
潑於有無之間

天地間真滋味惟靜者能嘗得出天地間真機括惟

不能無談

諸法都歸  
在心上

心氣不足  
不愛故也

非不能

理學宗傳

卷之三

呂新吾

六

靜者能看得透天地間真情景惟靜者能題得破  
作熱鬧人說孟浪話豈無一得皆偶合也

寧耐是思事第一法安詳是處事第一法謙退是保  
身第一法涵容是處人第一法置富貴貧賤死生  
常變於度外是養心第一法

士君子要養心氣心氣一衰天下萬事分毫做不得  
冉有只是個心氣不足

胸中只擺脫一戀字便十分爽淨十分自在人生最  
苦處只是此心沾泥帶水明是知得不能斷割耳

觀焉不陳  
一且不二  
何者

塵生虛死  
可謂可偏

人人有此  
便界都有  
是夫

只有一毫籠踈處便認理不真所以說惟精不然絮  
論淆之而必疑只有一毫二三心便守理不定所  
以說惟一不然利害臨之而必變

屬纏之時般般都帶不得惟帶得此心却教壞了是  
空身歸去矣可為萬古一恨

定靜中境界與六合一般大裏面空空寂寂無一個  
事物纔問他索時般般是樣樣有

無技癢心是多大滴養故程子見獵而養學者各有  
所養便當各就癢處搔之

到底要點  
檢字直初

到底要點  
然不動

二字是點  
內要外王  
之學

每日點檢要見這念頭自德性上發出自氣質上發  
出自習識上發出自物欲上發出如此省察久久  
自識得本來面目初學最要知此

定靜安慮聖人胸中無一刻不如此或曰喜怒哀樂  
到面前何如曰只恁喜怒哀樂定靜安慮胸次無  
分毫加損

治心之學莫妙於瑟僞二字瑟訓嚴密譬之重關天  
險無隙可乘此謂不疎物欲自消其窺伺之心僞  
訓武毅譬之將軍按劍見者股慄此謂不弱物欲

自奪其猖獗之氣

室中之鬪市上之爭彼所據各有一方也一方之見  
皆是已非人而濟之以不相下之氣故寧死而不  
平嗚呼此猶愚人也賢臣之爭政賢士之爭理亦  
然此言語之所以日多而後來者亦莫知所決擇  
也故爲下愚人作法吏易爲士君子所折衷難非  
斷之難而服之難也根本處在不見心而任口耻  
屈人而好勝是室人市兒之見也

人子之事親也事心爲上事身次之最下事身而不

賢者不免  
有味乎其  
言之



恤其心又其下事之以文而不恤其身

孝子之于親也終日乾乾惟恐有一毫不快事到父母心頭自家既不惹起外觸又極防閑無論貧富貴賤常變順逆只是以悅親爲主蓋悅之一字乃事親第一傳心口訣卽不幸而親有過亦須在悅字上用功夫幾諫積成耐煩留意委曲方畧自有回天妙用若直諍以甚其過暴棄以增其怒不悅莫大焉故曰不順乎親不可以爲子

物相反者相成見相左者相益孔子取友曰直諒多

三友自任  
無立於之  
爲難

要存其是  
不可相非

聞此三友者皆與我不相附會者也故曰益是故  
得三友難能爲人三友更難天地間不論天南地  
北縉紳草莽得一好友道同志合亦人生一大快  
事也

天下不可一日無君故夷齊非湯武明臣道也此天  
下之大防也不然則亂臣賊子接踵矣而難爲君  
天下不可一日無民故孔孟是湯武明君道也此  
天下之大懼也不然則暴君亂主接踵矣而難爲  
民

暴虐使野  
天地清寧  
是就世太  
平

天地四時  
俱御能不  
得

百姓得所是人君太平君民安業是人臣太平五穀  
豐登是百姓太平大小和順是一家太平父母無  
疾是人子太平胸中無累是一腔太平

中之一字是無天于上無地於下無東西南北於四  
方此是南面獨尊道中的天子仁義禮智信都是  
東西侍立百行萬善都是北面受成者也不意字  
宙間有此一妙字有了這一個別個都可勾銷五  
常百行萬善但少了這個都是一家貨更成甚麼  
道理

夷是一部  
易九子是  
一部易

易道渾身都是滿眼都是盈六合都是三百八十四  
爻聖人特拈起三百八十四事來作題目使千聖  
作易人人另有三百八十四說都外不了那陰陽  
道理後之學者求易於易穿鑿附會以求通不知  
易是箇活的學者看做死的易是個無方體的學  
者看做有定象的故論簡要乾坤二卦已多了說  
窮盡離萬卷書說不盡易的道理何止三百八十  
四爻

公卿爭議於朝曰天子有命則屏然不敢屈首矣師

以勢形理  
能者亦附  
謂孔子之  
春秋朱子  
芝綱曰

儒相辯於學曰孔子有言則寂然不敢異同矣故  
天地間惟理與勢爲最尊雖然理又尊之尊也廟  
堂之上言理則天子不得以勢相奪卽相奪焉而  
理則常伸於天下萬世故勢者帝王之權也理者  
聖人之權也帝王無聖人之理則其權有時而屈  
然則理也者又勢之所恃以爲存以者也以莫大  
之權無僭竊之禁此儒者之所不辭而敢于任斯  
道之南面也

正學不明聰明力辨之士各枝葉其一隅之見以成

非孔子不  
能折衷百

取

變化氣質  
便是復性  
功夫

乾坤大消

一家之說而道如千岐百逕矣豈無各得終是偏

得到孔門只如枉木着繩一毫邪氣不得

莊列見得道理原著不得人爲故一向不盡人事不知一任自然成甚世界聖人明知自然却把自然閣起只說個當然聽那自然

有善有惡者雜於氣質之性有善無惡者上帝降衷之性學問之道正要變化那氣質之性完復吾降衷之性

乾與垢坤與復對頭相接不間一毫乾坤盡頭處卽

垢復起頭處如呼吸之相連無有斷續一斷便是生死之界

學術要辨邪正既正矣又要辨真偽既真矣又要辨念頭切不切向往力不力無以空言輒便詐人也予欲無言非雅言也言之所不能顯者也吾無隱爾非文辭也性與天道也說便說不來藏也藏不得然則無言卽無隱也在學者之自悟耳天地何嘗言何嘗隱以是知不可言傳者皆日用流行於事物者也

非聖人不  
能前此

率真者無心過疎多躁言輕舉之失慎密者無口過  
不免厚貌深情之累心事如青天白日言動如履  
薄臨深其惟君子乎

身是心當家是主人翁當鄉邑是守令當九邊是將  
帥當千官是冢宰當天下是天子當道是聖人當  
故宇官內幾樞大事學者要挺身獨任讓不得人  
亦與人計行止不得

做人要做個萬全至于名利地步休要十分占盡常  
要分與大家就帶些缺綻不妨何者天下無人已



張世之言  
即是生理

夫子所以  
思有恒也

理學分傳

卷之二十三

俱逐之事 我得人必失我利人必害我榮人必辱  
我有美名人必有媿色是以君子貪德而讓名辭  
完而處缺使人我一般不嘒嘒露頭角立標臬而  
胸中自有無限之樂孔子謙已嘗自附於尋常人  
此中極有意趣

進道入德莫要于有恒有恒則不必欲速不必助長  
優優漸漸自到神聖地位故天道只是個恒每日  
定準是三百六十五度四分度之一分毫不損不  
加流行不緩不急而萬古常存萬物得所只無恒

已盡得餘  
天道如是

了萬事都成不得余最坐此病古人云有動心無  
遠道只有人勝道無道勝人之理

無以小事動聲色襲大人之體

物忌全盛事忌全美人忌全名是故天地有欠缺之  
體聖賢無快足之心而况瑣屑群氓不安淺薄之  
分而欲清其難厭之欲豈不妄哉是以君子見菴  
而思損持清而思溢不敢恣無涯之望

問堯舜事功孔孟學術何處下手曰以天地萬物爲  
一體此是孔孟學術使天下萬物各得其所此是

堯舜事功總是一個念頭

默契之妙越過六經千聖真與天談又不須與天交

題我其天

一語只對越仰觀兩心只一個耳

人生氣質都有箇好處都有箇不好處學問之道無他只是培養那自家好處救正那自家不好處便了

各自責則天清地寧各相責則天翻地覆

扶持資質全在學問任是天資近聖少此二字不得三代而下無全才都是負了在天的欠了在我的

不爭是非

處世之道

參看其合

縱做出掀天揚地事業來仔細看他多少病痛

余行年五十悟得五不爭之味人間之曰不與居積人爭富不與進取人爭貴不與矜飾人爭名不與簡傲人爭禮節不與勝氣人爭是非

凡有橫逆來侵先思所以取之之故卽思所以處之之法不可便動氣兩個動氣一對小人一般受禍無用之朴君子不貴雖不事機械變詐至於德慧術知亦不可無

日用酢酢事事物物要合天理人情所謂合者如物

德谷得此

書

之有底蓋然方者不與圓者合大者不與小者合  
歛者不與正者合覆諸其上而不廣不狹旁視其  
隙而若有若無一物有一物之合不相苦窳萬物  
各有其合不相假借此之謂天則此之謂大中此  
之謂天下萬事萬物各得其所而聖人之所以從  
容中賢者之所以精一求衆人之所以醉心夢意  
錯行亂施者也

從容中道處  
也只是個  
從容

處天下事只消得安詳二字雖其貴神速也須從此  
二字做出然安詳非遲緩之謂也從容詳審養膏

發於疑定之中耳是故不閒則不朴不逸則不勞  
若先怠緩則後必急躁是事之殃也十行九悔豈  
得謂之安詳

果決人似恁心中常有餘閒因循人似閒心中常有  
餘累君子應事接物常贏得有從容閒暇時便好  
若應酬時勞擾不應酬時牽挂極是喫累的

孔子是五行造身兩儀成性其餘聖人得金氣多者  
則剛明果斷得水氣多者則朴素質直得火氣多  
者則發揚奮迅得水氣多者則明微周融得土氣

清和共  
立一相共  
事一子不  
能保其出

多者則鎮靜渾厚得陽氣多者則光明軒豁得陰  
氣多者則沉默精細氣質既有所限雖造其極終  
是一偏的聖人此七者共事多不相合共言多不  
相入所同者大根本大節目耳

聖人不落氣質賢人不渾厚使直方便着了氣質色  
相聖人不帶風土賢人生燕趙則慷慨生吳越則  
寬柔就染了風土習氣

清和和時是孟子與四聖人議定的謚法祖述堯舜  
憲章文武上律天時下象水土是子思作仲尼的

贊

明道蒼安不能使愧相伊川蒼子山遂激成三黨可  
以觀二公所得

平生不作則輒態此是丈夫能輒而不失剛方之氣  
此是大丈夫聖賢之所以分也

聖人

聖人有功於天地只是人事二字其盡人事也不言

天命井不知同天無力人事當然成敗不暇計也

爲宇宙完人甚難自初生以至楊纘徹頭徹尾無夢

子破綻尤難恐亘古以來不多幾人其餘聖人都

聖人



氣中使是  
聖賢氣淨  
二字未易  
言

是半截人前而破綻後來修補比至終年晚歲纔  
得乾淨成就了一個好人還天付本來面目故曰  
湯武反之也曰反則未及之前便有欠缺處今人  
有過便甘自棄以爲不可復入聖人境域不知盜  
賊也諸改惡從善何害其爲有過哉只看歸宿處  
成個甚人以前都饒得過

聖人胸中萬理渾然寂時則如懸衡鑑感之則若决  
江河未有無故自發一善念善念之發胸中不純  
善之故也故惟有旦晝之精亡然後有夜氣之清

未嘗不此  
夜氣不能  
常發此言  
食者有要

可見此光

也

明聖人無時而不夜氣是以胸中無無故自見光景

聖人心中再無分毫不自在處內省不疚既無憂懼外至之患又不怨尤只有一段不釋然卻是畏天命、悲人窮也

山林處士常養一箇傲慢輕人之象常積一腹疝憤不平之氣此是大病痛

明道受用處陰得之佛老康節受用處陰得之莊列然作用自是吾儒蓋能奴僕四民而不爲其所用

處士積謀便是凡病

非大儒便不能

者此語人不敢道深於佛老莊列者自默識得

明道在朱陸之間

七情總是個欲只得其正了都是天理五性總是個  
仁只不仁了都是人欲

宋子云不求人知而求天知爲初學言也君子爲善  
只爲性中當如此或此心過不去天知地知人知  
我知渾是不求的有一求心便是僞求而不得此  
念定是衰歇

以吾身爲內則吾身之外皆外物也故富貴利達可

生可榮苟非道焉而君子不居以吾心爲內則吾身亦外物也故貧賤憂戚可辱可殺苟道焉而君子不辭

讀書要  
看三代以上人物是其學識甚氣度甚作用  
漢之粗淺便著世俗宋之局促便落迂腐如何見  
三代以前景象

予弱冠聞公名後讀去鶴齋集呻吟語益嚮而慕之  
時公爲少司寇家居天下冀其一由以奏平明之治而公竟不出公惟不出而天下益高之公之學日窮理盡性以至於命真接乎子思子與之傳有宋諸儒非之或先也學至于是又何憾其用與不用哉

卷之八

一

二

三

四

五

六

七

八

九

十

十一

十二

十三

十四

十五

十六

十七

十八

十九

二十

馮恭定從吾

從吾字仲好號少墟長安人官至副都御史在京師  
與高景逸鄒南阜倡明理學家居建天中書院四方  
從遊甚衆有辯學錄闡性命之秘辨似是之非如所  
云吾儒之旨只在善之一字佛氏之旨只在無善二  
字又曰吾學只有一個善字直從源頭說到究竟更  
無兩樣故易曰繼善顏曰一善曾曰至善思曰明善  
孟子曰性善又曰學學爲善善總是一個善爲總是一  
個爲非善與利之間復有無善之善嗚呼盡之矣善

卽理也卽道也卽中也精乎此謂之惟精一乎此謂  
之惟一執乎此謂之執中以之爲君謂之仁以之爲  
臣謂之敬以之爲子謂之孝以之爲父謂之慈以之  
交朋友謂之信以之視聽言動謂之禮以之臨大節  
而不奪謂之節皆理也道也中也此吾儒之正傳孔  
孟相與講求切磋以教天下萬世只此一脈以維持  
宇宙更無餘蘊矣少墟辨析精詳凡世儒所易惑處  
輒爲道破吾儒之家寶始復其舊佛氏之泥弊始塞  
其源虞廷心法於是乎曉然復明於天下

矣其功不  
亦偉歟

陳良卿出  
頭明人畏  
步如之方  
語正其  
力也

語錄

孔門不言  
心其自叙曰從心所欲不踰矩其稱曰曰  
其心三  
月不違仁其警人曰無所用心難矣哉言  
心便言  
矩便言仁此道心之說也言心便言用此  
精一之  
說也以道心為主則心有所用而不落于  
空人心  
悉化爲道心卽心卽矩卽仁卽心是言仁  
卽所以  
言心也又何必數言心哉不然舍矩言心  
舍仁言  
心又舍用言心則此心了不可得而左袒  
人心者  
得借口矣



孟子論心之本體歸之理義故曰心之所同然者何也謂理也義也論心之工夫歸之操存故曰操則存舍則亡正孟子得統於孔子處若言心不言理義則本體泯於虛言理義不言操存則工夫泥于泛便非孔門惓惓論仁之旨

人心至虛衆理咸備去過理說心便是人心惟危之心卽有知覺是告子知覺運動之覺佛氏圓覺大覺之覺非吾儒先知先覺之覺也覺之一字亦不可不辨知覺的是天理便是道心知覺的是人欲

純陽真經  
理學宗傳

便是人心非槩以知覺爲天理爲道心也若丟理字說心說知覺便是異端

陸子曰理與心一而人不能會之爲一朱晦翁曰此心虛明萬理具足外面理會者卽是裏面本來有的陸象山曰人心至靈此理至明人皆有是心心皆具此理又曰此心同也此理同也薛文清亦曰心所具之理爲太極心之動靜爲陰陽而王陽明亦曰人心一刻純乎天理便是一刻的聖人終身純乎天理便是終身的聖人此理自是實自家吾

儒論心都不曾丟過理字若丟過理字可以言心  
則先儒之說皆誣而象山心皆具是理此理同也  
二句皆剽語矣

楊龜山曰六經不言無心惟佛氏言之有人說無心  
伊川自說無心便不是只當說無私心無私心三  
字可爲千古名言程門之所謂私心卽廣廷之所  
謂人心也此不可不無者也

天命之性  
只是一理  
字

問天命之性無聲無臭原言不得善字曰天命之性  
就是命之以善無消着故曰性善孟子道性善正

指天命之初而言耳又問無聲無臭何也曰善曾  
有聲有臭耶

天命之性如一陽未復造化生意雖未宣洩而凡宇  
宙間形形色色萬紫千紅無一不胚胎完具于其  
內故曰天命之謂性此自是實在道理原不落空  
若曰天命之性渺渺冥冥一切俱無如此不知夫  
命的是個甚麼便於天命二字說不去矣

佛氏所謂直指人心指的是人心所謂見性成佛見  
的是氣質之性所謂真空空的是道心義理之性

只是他議論閃爍變幻不肯明白說破所以易于  
惑人耳

不講孔孟之學不在理字上用功縱閱窮載籍坐老  
蒲團依舊是個俗人

問仁者人也目能視耳能聽口能言身能動人也卽  
仁也何如曰此惑于佛氏之說也視聽言動是氣  
不是理如何說是仁視聽言動之自然恰好合禮  
處爲天性理不離氣天性不離形色視聽言動之  
禮不離耳目口體故曰仁者人也非便以能視能

理自是無  
障障不是  
理真是那  
樣不得

聽能言能動爲仁也非禮勿視非禮勿聽非禮勿  
言非禮勿動此正是夫子教顏子爲仁高不鶩懸  
遠卑不墮情欲處若不論禮不禮勿不勿而惟以  
視聽言動爲仁是直把氣質作義理名雖鶩懸遠  
實則墮情欲矣自古學佛者多恣情縱欲無所底  
止非獨學者之過亦其始教之差誤之

理障二字固是佛氏差處吾儒不能闢之已不是或  
又從而附和之何也理之一字乃天地間自然那  
移不得的道理正程伯子所謂不以堯存不以桀

亾者佛氏要戒也戒不去吾儒要添也添不來只是吾儒指點出這個字如呼寐而使之寤耳原非專爲闢佛而創出此字也且謂之曰理自是無障謂之曰障還不是理可見附和其說者特察理之不精之過亦豈有心從彼而甘於其端哉

愚學二泥  
人未盡俱  
是問道離  
心者而  
問道又  
之矣

世之砥節礪行循規蹈矩而不問道者誠有之未有真能問道而遂不砥節礪行循規蹈矩者也執節行規矩而槩以爲問道固不是外節行規矩而別求問道尤不是

以好惡之  
既不近驗  
使無之存  
不存猶是

問夜氣之存不存何處驗得曰其日夜之所息平旦  
之氣其好惡與人相近也者幾希可見好惡與人  
相近便是喜怒哀樂中節便是夜氣存好惡與人  
相遠便是喜怒哀樂不中節便是夜氣不存極客  
易驗大學惟仁人能愛人能惡人是斧斤不曾伐  
的見賢而不能舉舉而不能先見不賢而不能退  
退而不能遠是旦晝牴牾的好人之所惡惡人之  
所好是牴之反覆夜氣不足以存的孟子夜氣之  
說不是幽深懸遠的話說乃天德王道一貫之學



理學宗傳

卷之二十三

書

也若去過好惡只講幾希便落懸虛便非孟子之  
旨

論  
理  
出  
是  
何  
項  
何  
是  
何  
心

聖賢論心不外綱常倫理由處辭受動靜語默于此  
件件透徹步步踏實纔見真心纔是真正學問得  
力處在此用力處亦在此若世俗論心反於放言  
肆行的人說心地好心上真正佛氏所謂直取無  
上菩提一切是非莫管也世豈有此理且不知有  
心學者無論幸而知有心學而又外倫理綱常出  
處辭受動靜語默以求心吾不知心果何時可明

做此舉於  
學而便下  
親切

且至善是  
聖門宗旨

也

問理學與舉業同異先生曰以舉業體驗于躬行便  
是真理學以理學發揮於文辭便是好舉業原是  
一事說不得同異又曰今之務舉業者多在文字  
上求好不在心術上求好不知七篇者有形之舉  
業固要好一念者無形之舉業尤要好不然心術  
一念少差則終身事業可知又何論功名哉

問在止于至善先生曰聖賢學問只在心性用功性  
者心之生理人性原來皆善至善者性體也止於

至善則當下直合性體矣五伯不知性體至善故  
假仁假義二氏不知性體至善故絕仁棄義告子  
不知性體至善故有杞柳湍水之議若知性體至  
善學問止於至善則五伯自不消去假二氏自不  
能絕棄告子紛紛之議亦自悟其非矣此曾子之  
學獨得孔氏之宗而萬世學者之所不能遺也  
近有論學曰南泉關而少墟方方南泉之圓圓少  
墟之方者其而涇陽高景逸乎  
曹真子曰少墟沉潛聖學踐履篤至問業之士如  
雲而少墟關揚關切循道謹嚴益亦以行爲講以  
行爲學者也昔有問耿楚侗以天命之性者楚侗  
方欲訓解其人曰意公自言其性耳楚侗爲之翌

然少墟會友於白下巋然相對或曰馮公何無講  
在座者曰此人渾身是解其亦有於論講矣

高忠憲攀龍

攀龍字存之少有異稟毋授果餌必偃僕而承弱冠  
舉於鄉邑令李復陽與顧憲成講學庠序攀龍往從  
之間李材修身爲本之旨欣然有會己丑進士選  
行人四川僉事張世則誡毀程朱攀龍上崇正學闢  
異端疏閣臣王錫爵柄政黜陟乖方又上君臣同心  
惜才遠佞疏語侵錫爵謫揭陽典史自歎於斯道尚  
未有得發憤曰此行不徹此事真負此生矣途中嚴  
立規程爲半靜坐與半讀書法兩閱月始抵謫所察

民情正士氣輯諸儒要語朱子近思錄刊示諸生又  
爲地方除一大慙不以謫官爲傳舍也已而假差歸  
與李材辯論數日大意謂格物致知是大學入門  
第一義卽中庸之明善也所以使學者辨志定業曉  
然知爲人爲己義利公私之界端在於此初學下手  
必從此始然後善必爲惡必去意誠心正而身可修  
善所以純粹而精止所以凝定而固也旣築室湖濱  
名曰可棲偕吳志遠歸子慕二人扁舟往來兀坐相  
對作靜坐說及復七規程甲辰秋同顧憲成復楊龜

山東林書院一遵白鹿洞會規每會必取儒釋朱陸  
真修真悟之辨諄切指示常曰勤物敦倫謹言敏行  
此吾東林八字訣也林居垂三十年天啓初起光祿  
寺丞值上元節缺上供天鵝祥瑞恣索攀龍援舊例  
以家鵝代并穀無名供費若干積弊如洗中官懾服  
會廣寧失陷外戚助貴中官之家皆奸細竊宅攀龍  
謂京師禍本不可不除請逐鄭養性誅李可灼見孫  
慎行論舊輔方從哲紅丸一疏作而嘆曰一部春秋  
也持論益侃侃無所撓忌者靡不側目尋轉太常少

卿有恭陳務學之要疏言明理所以明心明心所以  
出治如方從哲鄭養性大義不容不討不然孝非孝  
反以不孝爲大孝忠非忠反以不忠爲大忠黑白混  
淆賢奸倒置貽害何極疏上罰俸三月已轉大理少  
卿又轉太僕卿方鄭之黨益憤且懼切切以東林爲  
言給事中朱童蒙因疏訐東林於是講學諸臣鄒元  
標等皆去位攀龍亦疏辭有講學何罪頗空法紀之  
臣禁學何名欲行聖明之世之語居無何卽家起刑  
部右侍郎陞左都御史時座師趙南星爲太宰門人



轉不答荷  
活只合如  
此

無生二字  
孔孟少有

魏大中爲掌垣師弟和約以懲貪救民爲主會副院  
楊漣首擊逆關魏忠賢二十四大罪而攀龍又列貪  
穢御史崔呈秀罪狀以聞呈秀遂合群小嗾忠賢曰  
東林必殺公乙丑忠賢矯詔戍趙殺楊魏等丙寅又  
逮繆昌期周順昌等攀龍度不免三月十六日肅永  
寇謁道南祠夜半得緹騎信書遺表一通置於几赴  
池水而死表云臣雖削奪舊係大臣大臣受辱則辱  
國故北向叩頭從屈平之遺則君恩未報結願來生  
又有別華允誠書云僕得從李元禮范孟博遊矣一

生學問到此亦得少力心如太虛本無生死又何幻  
質之足戀乎歿後北面整立履無泥滓亦無滴水入  
腹越數日顏色如生崇禎初逆黨次第收公論大明  
贈太子太保兵部尚書謚忠憲年六十有五攀龍之  
學以復性爲宗以居敬窮理相須並進爲訣四方從  
遊者至每先令讀小學近思錄等書次令靜坐以培  
深厚之氣居恒駁雜學故嚴讀聖人之學異于釋氏  
惟一性字聖人言性異於釋氏惟一理字釋氏無理  
故最忌分別如何可以綱紀世界扶植人倫生平不

二色一介不取燕居屋漏未始有惰容論者謂攀龍  
二十歲外便步步程朱嘗自云一生用易又云盡其  
道而生盡其道而死皆實錄也

語錄

朱子曰欲誠意者必先格致然後理明心一所發自然真實不然則正念方萌而私意隨起亦非力之所能制也又曰知有不至卽其不至之處惡必藏焉以爲自欺之至真見到之言也

無功夫則爲私意牽引于外有功夫則爲意念束縛於中故須物格知至誠正乃可言也

萬變皆在人執一毫我不得萬化皆在身求一毫人不得此處透真格物矣

無適自然有主不假安排

性不可言聖人以仁義禮智言之心不可言聖人以敬言之不知敬之卽心而欲以敬存心不識心亦不識敬

無妄之謂誠無適之謂敬有適皆妄也

程子曰主一者謂之敬一者謂之誠主則有意在是誠者本體也敬者工夫也不識誠亦不識敬不識敬亦不識誠

程子曰天人本無二人只緣有此形體與天便隔一

能識得身  
心即天地  
宇宙在手  
矣

曾除却形體渾是天也形體如何除得但克去有  
我之私便是除也愚謂真知天自是形體隔不得  
觀天地則知身心天包地外而天之氣透於地中  
地在天中而地之氣皆天之氣心天也身地也天  
依地地依天天地自相依倚心依身身依心身心  
自相依倚剛柔相摩如此纔着意便不是

問知覺之心與義理之心何如朱子曰纔知覺義理  
便在此纔昏便不見了又曰提醒處便是天理更  
別無天理由此觀之人心明即是天理不騎驢覓

驢

貞之義大矣哉四時以貞爲冬四德以貞爲智隆冬之時萬象寂然無朕大智之人一點伎倆不形中庸尚綱大易藏密入德於此成德於此謝上蔡去一矜字而曰仔細點點病痛盡在這裡至哉言矣伊川先生說遊魂爲變曰既是變則存者亾堅者腐更無物也此殆不然只說得形質耳遊魂如何滅得但其變化不可測識也聖人卽天地也不可以存亾言自古忠臣義士何曾亾滅避佛氏之說而

張子說

謂賢愚善惡同歸於盡非所以教也况幽明之事昭昭于耳目者終不可掩乎張子曰大易不言有無言有無諸子之陋也

不識本體而操持念頭以爲若敬解釋經書以爲窮理是養梯裨者也既識本體但保任一靈不知精義復禮者是五穀不熟者也

偏之爲害  
其於小人

天下事敗於邪見之小人無見之庸人偏見之君子君子必有所短小人必有所長君子難親小人易比故世人於君子惟見其短于小人惟見其長無惟



乎好惡垂方川舍倒置

文公聖賢而豪傑者也故雖以豪傑之氣繫終是聖  
賢真色文成豪傑而聖賢者也故雖以聖賢學問  
終是豪傑真色

易之本體只是一生字功夫只是一懼字  
人想到死去一物無有萬念自無係累也

明道先生之言句句是真悟此方是真修  
之言句句是真修此方是真悟

自揭陽歸取釋老二家參之釋氏與聖人所爭毫髮

須格物總  
界得良知  
則致知覺  
至上半下  
皆如此處  
正行中而  
且

其精微處吾儒具有之總不出無極二字弊病處  
先儒具言之總不出無理二字觀二氏而益知聖  
道之尊

一向不知陽明象山學問來歷前在舟中似窺見其  
一斑二先生學問俱是從致知入聖學須從格物  
入致知不在格物虛靈知覺雖妙不察于天理之  
精微矣知其有二哉有不致之知也毫釐之差在  
此

夢中作得主張者方是真學問方能臨大事而不亂

始終條理之全下學上達之效固未易言語形容然  
其大要則不出涵養川敬進學在致知二語此非  
程朱之教也孔子之教也故窮理卽博文之謂也  
居敬卽約禮之謂也非孔子之教也堯舜之教也  
故博文卽惟精之謂也約禮卽惟一之謂也二者  
合一而進而主敬爲本故理日明瑩則心日靜虛  
動直而初非溺于詞章心益定靜則理益資深達  
原而初不流于空寂此聖學所以允執其中也

昔朱子初年以人自有生卽有知識念念遷革初無

頃刻停息所謂未發者乃寂然之本體一日之間  
卽萬起萬滅未嘗不寂然也蓋以性爲未發心爲  
已發未發者卽在常發中更無未發時也後乃知  
人心有寂有感不可偏以已發爲心中者心之所  
以爲體寂然不動者也性也和者心之所以爲用  
感而遂通者也情也故章句云喜怒哀樂情也其  
未發則性也二語指出性情如指掌矣王文成復  
以性體萬古常發萬古常不發以鐘爲喻謂未扣  
時原自驚天動地已扣時原自寂天冥地此與朱

子初年之說相似而實不同蓋朱子初年以人之  
情識逐念流轉而無未發之時文成則以心之生  
機流行不息而無未發之時文成之說微矣而非  
中庸之旨也中庸所謂未發指喜怒哀樂言夫人  
豈有終日喜怒哀樂者蓋未發之時爲多而喜怒哀  
樂可言未發不可言不發文成所謂發而不發  
者以中而言中者天命之性天命不已豈有未發  
之時蓋萬古流行而太極本然之妙萬古常寂也  
可言不發不可言未發中庸正指喜怒哀樂未發

時爲天命之本體而天命本體則常發而不發者也情之發性之用也不可見性之體故見之于未發未發一語實聖門指示見性之訣靜坐觀未發氣象又程門指示初學者懣情歸性之訣而以爲無發時者失其義矣

靜坐之法不用一毫安排只平平常常默然靜去此平常二字不可容易看過卽性體也以其清淨不容一物故謂之平常畫前之易如此人生而靜以上如此喜怒哀樂未發如此乃天理之自然須在

人各各自體貼出方是自得靜中妄念強除不得  
真體既顯妄念自息昏氣亦強除不得妄念既淨  
昏氣自清只體認本性原來本已還他湛然而已  
大抵著一毫意不得纔添一念便失本已由靜而  
動亦只平平常常湛然動去靜時與動時一色動  
時與靜時一色所以一色者只是一個平常也故  
曰無動無靜學者不過借靜坐中認此無動無靜  
之體云爾靜中得力方是動中真得力動中得力  
方是靜中真得力所謂敬者此也所謂誠者此也

是復性之道也

萬曆癸丑秋靜坐武林發光山中作靜坐說越二年  
觀之說始末備也夫靜坐之法入門者借以涵養  
初學者借以入門彼夫初入之心妄念膠結何從  
而見平常之體乎平常則散漫去矣故必收斂身  
心以至于一卽平常之體也至則有意存焉此  
意亦非著意蓋心中無事之謂一著意則非一也  
不著意而謂之意者但從衣冠瞻視間整齊嚴肅  
則心自一漸久漸熟漸平常矣故至一者學之成



始成終者也

明儒以理學而成節義者其人甚多議者遂以忠節目之愚謂忠節特理學之一端耳偶值事變而致命遂志亦無所容心於其間也倫生害仁輕生傷勇君子固籌之熟矣未嘗學問而甘蹈白刃者其於孔孟成仁取義之旨正自不同

鄧潛谷元錫

鄧元錫字

號潛谷江西南城人

傳鈇

學校志畧

師道興  
首等孔子  
為萬代帝  
王師所以  
賢士並輝  
非盛語

吳天生民若有恒性以有彝倫而人道昉焉然人生而蒙於天性人道廢廢焉爾也於是乎作之君作之師惟曰其助上帝則知師也者助天明民覺之以降衷恒性而定之命也斯其重於大君乎等矣虞帝命契為司徒教以人倫民賴以生孔子躬神聖之資明天道而察民情上述唐虞下憲殷周惻

王路廢而邪術興也轍環於列國冀一遇而世以  
混濁莫能用於是退而論次詩書修正禮樂贊易  
以明天道修春秋以定王法其門人弟子循誦習  
傳高可佐王下者德成材達以咸適於教蓋孔門  
師友於唐虞君臣堦而素王之業終古一見也然  
帝王之教學不在于州郡京邑而在乎山澤壇墠  
之間雖其甚盛而世升降係之矣其後仲尼沒微  
言絕以七十子之徒林立而大義章明當是時有  
若居魯子夏居河西子張居陳澹臺滅明居楚子

貢終於齊大者爲師傳鄉相亦者友教士大夫而  
子貢之傳特盛田子方段干豳之屬皆從受業而  
曾子之傳獨得其宗思孟續業焉漢承秦坑焚之  
後天子不悅學叔孫通附帝意就漢朝儀因用爲  
太常諸生共定儀者咸爲選首而魯兩生竟斷斷  
不肯行也其守道不阿世如此武帝卽位頗垂意  
於六藝之文董仲舒上言願興太學置明師以養  
天下之士始言詩於魯則申培公於齊則轅固生  
于燕韓太傅言尚書自濟南伏生言禮自魯高堂

前漢書  
師說儒風  
特附

生言易自葛川田生言春秋齊魯自胡毋生於趙  
董仲舒當是時儒者王吉貢禹留意于風俗教化  
之務匡衡孔光張禹之倫以經學位三公爲天子  
師恩數賂重近古未有而諸經生各尊尚其師說  
終無外慕臨位而不敢受必以讓其師比從政守  
師說不敢廢國有大政大議不敢應說懸斷舉師  
說爲對而篤誦服勤至身爲之死中更王莽更始  
之亂禮樂崩壞典文殘落而志誼瞢然不替也故  
先漢儒風特醇光武中興訪求儒雅明帝故從受

經桓榮引桓先生及弟子升堂上設東面坐置几  
杖會百官及榮門生數百千人帝親執業諸生或  
避位發難帝謙謙不敢對曰太師在肅宗爲太子  
時受書於汝南張酺元和二年春二月巡狩詣焉  
天子備弟子之禮受尚書一篇乃行幸儒者鄭均  
宅問道賜尚書祿終其身其後桓帝時諸儒郭泰  
賈彪等遊太學學士宗之與司隸膺太尉蕃尚書  
暢更相褒重而太學生競爲危言深論以激世爲  
宦者所忿嫉於是鈎黨禍作而學士之誅侈烈矣

理學宗傳

卷之

三

三

四

道喪千載而隋王文中子皇然遠覽於周公孔子  
之道遵修鴻業曰先師之職也不敢廢當是時河  
汾之間講義勸道絃誦歌不列於庠序而訢訢  
休休微言眇論庶幾哉洙泗之風其徒遵其道而  
受業者數千人會且聞唐宗昌明之治而房杜王  
魏之倫因成佐命也太宗櫛風沐露銳情經術四  
方秀乂挾策負素全集於京師而文治勃興於是  
新羅高昌百濟吐蕃高麗等酋長並遣子弟入學  
凡八千餘人國學之盛近古未有也唐室熟莊列

日休亭  
記

書亦得登科入仕皮日休請立孟子爲學科謂孟子之文燦若經傳光乎百代諸子之不異於道者惟此而已矣莊列之文荒唐之文也方外之士鴻荒之民豈能有益於輔世真教也哉此之不列而彼之崇長何也請下有司有能精通其義者視明經選皆尼不行時老鄉顯行儒道媮末昌黎韓愈始銳然以六經之文爲諸儒倡後愈爲湖州刺史潮人未知學愈多方導之秀才趙德沉雅專靜有文章能知先王之道且排異端宗孔氏請詣筦州



學以督生徒宋興重學尊先師慶曆中參知政事  
范仲淹請興學校重本實先是侍講胡瑗教授湖  
州二十年召爲國子師程正叔詣太學就瑗瑗得  
其顏子所好何學論大興之命分主教事當是時  
顯與弟頤得汝南周敦頤所授道學之要而發明  
光大之會歸於六經顯中和具體頤敬義成德夫  
下師仰爲洛學關中張載銳然於古知禮而務之  
道關中人士師尊之躬行之多與洛人並蓋孔子  
沒至是千五百年矣而道始有所歸是時藍田呂

大防大臨兄弟受學于程張至南渡而程門弟子  
楊時尹焞道成德尊爲當時表儀爲左司諫陳公  
輔所忌惡天子下詔申禁時尹焞方以處士薦召  
爲崇政殿說書辭不至于是侍讀胡安國力競爭  
之曰自嘉祐來願兄弟及邵雍張載皆以道德名  
世爲王安石蔡京等曲加排抑故其道不行乞下  
禮官討論故事裒其遺書用羽翼六經於是公輔  
等交章痛詆遂罷去而道學之禁始於此迫韓侂  
冑以熹侍講時格內批扼已也欲甘心而未有名

奸人逢之言此輩以道學目之何罪獨名之爲學  
可立於於是御史何澹劉德秀等言令勅學士專  
師孔孟禁僞學而濂洛關閩之書遂爲世大禁胡  
絃沈繼祖其詆誣熹以十罪其徒蔡元定佐之爲  
妖詔熹落職竄元定道州已理宗讀熹四書集註  
及諸書大尊信之封徽國公蓋宋亡而宋學大昌  
嗟夫士論每公于身後而媚嫉取快于目前善乎  
唐應德有言王教興則道德禮樂經術之寄在庠  
序而師道爲天下公王教廢則道德禮樂經術之

寄在山澤而師道爲天下私雖有所寄無以異而  
世之升降係之明興詔天下府州縣皆立學以文  
淵閣學士宋訥爲祭酒一日上召問卿昨午默坐  
廂房色頗厲何也訥頓首言臣荷厚恩念欲爲國  
家効犬馬力造士昨生徒有造次步傾跌失容者  
皆臣不能教迺所致故靜自勉責上嘉嘆訥頓首  
問犬馬臣動息聖明何從知上曰朕欲時見卿念  
學事煩不欲爲數數故遣画工圖卿像以來因出  
像示訥訥感泣頓首謝嗣後正統中兩都祭酒皆

得人比爲李忠文時勉南爲陳敬宗時大闢王振  
權震天下時勉與抗禮矯旨以擅伐官樹供私愛  
建時勉方坐東廂考業神色自若已矯旨荷校國  
子前諸生司馬詢百千人伏闕請寬宥有召大用  
者獨奮請以身代事聞皇太后乃得解敬宗考績  
至都下振以禮幣求書程子四箴走筆書而歸其  
禮幣竟不住蓋一時風尚肅正者如此陳恭愍選  
督南畿學言稱古昔勳必禮則所巡行不居公府  
宿于學宮群士競奮故風習最淳大學士薛瑄處

士吳與弼胡居仁之倫言純師行純法爲明儒元  
弘治初監規積弛詔起侍講謝鐸爲北祭酒鐸先  
後祭酒兩雍律已率人嚴立規約起僉事章懋南  
祭酒懋以父喪力辭特旨爲增置司業一人署監  
事以待以編修羅欽順爲之聽懋終制日赴官及  
懋至諸生翕然質疑問業人人以爲得師也程朱  
歿至是且數百年矣濂洛之微言大義旣絕於是  
新會陳獻章公甫於靜坐中見端倪始復追泝程  
門主靜無欲之緒而恍有得焉其徒湛尚書若水

宋儒結聚  
在程朱明  
儒結聚在  
文成程朱  
有儒學之  
蓋宋風有  
儒學之勢  
所謂道高  
一尺慶高  
一丈慶無  
非無窮而  
規規自完  
孟子所謂  
非覺自斯  
之士

皆本師說而庚經之受學者至數百千人王文成  
守仁謫龍場深有悟于良知之說大學古本誠意  
特傳之旨拳拳以其道易天下士翕然嚮往至數  
千百人其高弟鄒文莊守益歐陽文莊德暨湛之  
門人程禮書文德先後爲辟雍師往往以王湛所  
名學建書院自文成之說行於時獨守程朱以反  
身實踐不變者獨羅文莊欽順昌侍郎相爲最醇  
宋學自永樂尊顯而來天下士守朱文公所註經  
如金科玉條不敢少抵忤而王文成求端於立本

揭微良知爲宗旨時與朱異而評論始興又機神  
天縱不拘故局方往往爲有方士所深疑又自以  
爲簡易直截之學二千年始顯號召同學汲汲若  
不及功高衆忌而謗議大興嘉靖初南宮發策至  
斥爲僞學欲焚書申禁及起平思川卒於師冢宰  
萼以論學異同故深構之奪贈蔭卹典且下詔禁  
學於是詹事綰御史延各疏言其學不詭於聖人  
皆不報隆慶初大學士階常國詔用言官請下廷  
議進侍郎瑄新建伯守仁從祀孔子廟庭而先後



言官論互異獨進瑄萬曆中御史詹事理前議請  
進檢討陳獻章及守仁下廷議議者復互異上曰  
守仁學術與宋儒互發何當因彼廢此卽集議歸  
一上毋紛紛奏部覆議請獨祀布衣胡居仁於是  
輔臣始顯言守仁致知本大學言良知本孟子獻  
章言主靜本宋儒周敦頤程頤皆羽翼聖真宜祀  
居仁純心篤行與論所歸宜亟祀上曰祀之善皇  
祖世宗每言王守仁爲有用道學獻章居仁俱并  
祀見朝廷重道崇儒原本實尚操修務經濟重意

嗚呼深矣

潛谷嘉靖中以易魁江右是歲謝公車不赴問之  
曰吾斯之未能信也聞者以爲迂後沉潛於道且  
三十年以經微悟以悟釋經著述甚富久之以部  
使者薦徵書累下與康齋白汝貴相望于定江清  
海開予於廿年前得讀其函史近復讀其五經釋  
隱郁卒澤於道德可利華實並茂之士

章本清潢

潢字本清南昌人自小學時張木山公試以對云趨庭孔鯉曾從詩禮之傳本清答云大學曾參獨得明親之旨張公奇之十三歲見鄉人有負債受鎖禁三日不得食者本清代爲償釋之讀性理通鑑纂其切要十六歲補弟子員性靈益徹卽寐若不寐然其談經輒了了會有宿師問曰子近日談經甚覺簡當何如本清曰請以鏡喻昔讀書如以物磨鏡磨久而鏡得明今讀書如以鏡照物鏡明而物自見後丁父自

本清通問  
七言  
九言

城公歟過哀血漉且苦家政與弟嘆曰世人只是利  
欲薰心我屬何戀戀錦鉢爲耶遂悉焚白城公遺家  
弟漢病請禱願以身代三十三歲始學易三十六歲  
輯圖書編慨正學之日滴悲心源之日汨以通天地  
人曰儒自命爰自古太極圖河圖洛書易卦以及天  
道地道人道皆以類編名曰圖書編凡百二十七卷  
流布寰宇又於東湖之濱構洗堂每月念五集諸友  
人弟子於中講習靡倦鄧潛谷來會出兩史相證郡  
守范晞陽入覲疏薦如徐縣督學朱處對聘主白鹿

洞書院五經四子各有著述爲學箴四條一曰大學  
明德親民止至善中庸經綸立本知化育此是聖人  
全學庶幾學有歸宿一曰虞廷危微精一孔子操存  
舍亡此是心學正傳庶幾學有入路一曰顏子欲罷  
不能曾子死而後已此是爲學真機庶幾不廢半途  
一曰明道每思幾倫間有多少不盡外處象山在人  
情物理事變上用功夫此是爲學實地庶幾不惑異  
端甲午赴廬陵重九之會羅近溪鄒少梧王塘南劉  
述亭鄒南臯劉喜聞諸公聚晤連日有問學以何爲

宗本清曰學要明善誠身只與人爲善便是宗又問  
善各不齊安能併歸一路曰繼善成性此是極歸一  
處明善明此也故書曰德無常師王善爲師善無常  
主協於克一如王敬窮理致良知言各不同皆求明  
性善之功豈必專執一說然後爲得所宗耶但善不  
擇不精不止不一而擇善止至善又在志聖學者自  
擇之又問凡會必如之何爲得力曰作會本是善與  
人同與會却要取人爲善蓋將我這個身子公共放  
在大爐冶中煅煉其習氣銷鑄其私心何等得力况

是二何無  
要緊的學  
者

嘉言善行有多少可觀法者乎越數日入青原山王  
塘南云世學宗禪欲超生死何如曰孔子已云朝聞  
道夕死可矣周子原始反終故知死生之說大意終  
始皆無便是儒者超生死處鄒南泉云今之學者不  
能超脫生死皆緣念上起念各有牽絆種種不同豈  
能如孔子之毋意必固我曰意必固我衆人之通患  
毋意必固我賢者之實功孔子則並此禁止而絕之  
矣本清自少而壯壯而老口無非禮之言行無非禮  
之事交無非禮之友目無非禮之書廵方吳安節以

胡敬齋例疏薦于朝少宰楊止菴奏授順天府儒學訓導以陳獻章來知德例月給米若干丙午翰撰趙體衡給諫曹真子主江西試以公與吳康齋鄧潛谷劉瀘霄四君子徵辟事策士丁未督學蘇弼垣賓興江省士盡率以謁公於豫章書院而受學焉戊申八十二歲卒卒之前與諸門人論爲學根基只在孝弟着力既歿同志友人暨門弟子私謚爲文德先生



不遇至有  
把柄

# 心性說

心學傳自虞廷流派遠矣韓退之云孟軻死不得其  
傳陸象山自述其學得之孟子嘗誦其言曰宇宙  
便是吾心吾心便是宇宙南北海有聖人出焉此  
心此理同千百世上下有聖人出焉此心此理亦  
無不同甚喜吾之心得同聖人而作聖之功亦易  
爲力於是舉日川之功惟從心所欲旣而覺師心  
之非也始悟孔子之從心所欲有矩在焉始悟陸  
子所謂聖無不同者不徒曰心而曰理且指盡心

之聖人言也惟其聖域之優入是以心理之大同  
吾且未識其真心何敢遽同乎往聖嘗以此求諸  
聖賢之典籍焉舜大聖也曰人心惟危湯大聖人  
也乃曰以禮制心孔子有舍則亡之訓孟子有求  
放心之言大學云正心易云洗心易其心諄諄若  
此者正教人辨危微存亡之機而求明此理之同  
然者以自盡焉耳然而未易辨也心之廣大舉六  
合而無所不包虎豹豺狼莫非生意而慈悲普度  
雖摩頂放踵在所必爲皆心之廣大也心之精微

析萬殊而無所不入垢穢瓦礫莫非妙道而探索  
隱僻雖鉤懸鏤塵剖析鄰虛皆心之精微也心之  
神明微千變萬化而無所不用縱橫翕張莫非圓  
機而與世推移雖神通妙解倏忽流轉皆心之靈  
變也天理人欲同行異情集火凝氷變幻靡定雖  
曰觀諸孩提之愛敬則人生之初其心本無不善  
觀之行道乞人不受嗔蹴雖牴牾之後本心猶有  
未盡泯者不知此乃聖賢多方引誘或指點于未  
喪之前或指點于既喪之後克念罔念聖狂攸分

無非欲人自識其真心以自存也不然人莫不爲  
狹提也曾有漸長不爲物引習移者乎乞人不愛  
噍噍曾有永保此心而勿喪者乎譬之穀種不種  
不生譬之真金不陶不淨近之論心學者如之何  
兢指衆人見在之心卽與聖人同也曾子之贊其  
師曰江漢以濯之秋陽以暴之皜皜乎不可尚已  
以孔子之皜皜不可尚者濯之必江漢暴之必秋  
陽使遽以衆人見在之習心而未嘗暴濯者強同  
乎聖心且曰立齊聖位非吾所知也此大學所以

論性者紛  
然性善  
一言為確  
然不易之  
言程氏三  
說正於不  
同處見其  
同相為就  
絕又波繁  
矣

言正心必先之以誠意致知格物

古今論性者紛然不齊孟子一言以蔽之曰性善蓋  
性一也有所謂無善無不善者非止言其源乎有  
所謂可以為善可以為不善者非止言其流乎有  
所謂有性善有性不善者非止言其末流之弊乎  
有謂為我至于無君妻愛至於無父執中至于無  
權各執其偏見而舉一廢百餘杞柳湍水生之謂  
性食色性也之說均之為一偏則非知性之全者  
故孟氏直從天命之本源而言之曰善真有以乾

砥柱障狂瀾而功不在禹下但天載無聲無臭不可得而窺也乃自其所發端者驗之曰天下之言性也則故而已矣故者以利爲本曰乃若其情則可以爲善矣乃所謂善也以迥其流而惻隱羞惡辭讓是非一皆吾性之順應以探其源而仁義禮智一皆吾性之本其觀之孩提而知愛知敬無不同也觀之衆人而乍見孺子入井無不同也觀之行道乞人而不受嗔蹴之食無不同也惟其性善之同所以人皆可以爲堯舜而克之足以保四海

此豈孟子之獨見乎孔子繫易有曰一陰一陽之  
謂道繼之者善也成之者性也孟子願學孔子而  
其言固有所本矣宋儒倡明孔孟之學以正人心  
熄邪說宜乎一宗性善之旨以挽其流而歸之中  
也已吾嘗得之程氏焉曰人生而靜以上不容說  
纔說性便已不是性是亦言性之源也曰善是性  
惡亦不可不謂之性譬之水清是水濁亦不可不  
謂之水是亦言性之流也曰論性不論氣不備論  
氣不論性不明二之則不是是又合性之源流而

孟言之也言雖不同無非發明孟氏之旨張子氣質之性雖爲後儒所信從猶不若孟氏之言簡而盡由宋以來或偏於剛或偏于柔委罪於氣質者固不能窺性善之蘊然求之高曠虛寂者謂修性不修命萬劫英靈難入聖岐性命而二之其說不攻自破獨佛氏謂性覺真空性空真覺本來無一物何處惹塵埃若將探性之源頭以示人其說彌近理而大亂真也安得真信孟氏性善之旨者與之共學乎孟氏之學



不同者氣  
質性則無  
不同故謂  
有氣質之  
性有天地  
之性則非  
矣

商書曰惟皇上帝降衷於下民若有恒性是下民之  
恒性卽上帝之降衷故孟子謂形色天性也是氣  
質卽天性也故謂聖人惟能踐形孔子有物有則  
卽形色天性之謂也詩書孔孟明訓昭然性固合  
有無顯隱內外精粗而一之者也後儒乃謂有氣  
質之性夫人不能離氣質以有生性不能外氣質  
以別賦也謂氣卽性性卽氣渾然無別固不可謂  
氣之外有性性之外有氣亦不免裂性與氣而二  
之何惟其分天地之性氣質之性而自二其性哉

天地化生游氣紛擾參差萬殊故人之所稟清濁  
厚薄亦因以異是不齊者氣質也非氣質之性也  
善乎陽明先生曰氣質猶器也性猶水也有得一  
缸者有得一桶者有得一甕者局于器也氣質有  
清濁厚薄強弱之不同性則一也能擴而克之器  
不能拘矣水不因器之拘而變其潤下之性人性  
豈因氣質之拘而變其本然之善哉是氣也質也  
性也分言之可也兼言之可也謂氣質天性可也  
謂爲氣質之性則非矣謂人當養性以變化其氣

質可也謂變化氣質之性以存天地義理之性則  
非矣孔孟本欲合物則仁人形色天性而一之宋  
儒未免析天地之性氣質之性而二之二說不容  
並立果一之乎抑二之乎當必有辨之者矣

憶癸丑公車江西友人謂吾鄉此時講學其主盟  
不在縉紳而在布衣蓋指本清云閱五十年始得  
所著圖書編四錄其要語

數則以質之天下後世

曹真子云薦微之典吳臨川而後猶及於新城之  
鄧元錫安福之劉元卿南昌之章廣四君子者學  
足明先王之道才可裕應世之猷或謂深爲粹品  
或謂高多偏行雖雖黃之口善善不長不免厚責  
副于盛名窮索數於洗垢猶計其志存於道乎  
亦庶幾得學之所在而不僅以獵榮爲學矣

楊晉菴東明

公河南虞城人爲諸生時沉潛敦固絕無機械屹然有必爲聖人之志萬曆庚辰成進士授中書舍人遭封公喪哀毀踰禮含歛葬祭一軌於紫陽家禮而裏之以情理之安服闋補原官遇考選授禮科給事中神廟靜攝君臣睽隔東宮未立公疏凡數十上舉朝仰企以爲凜凜丰骨有古人折檻碎堵之風癸巳河決大被齊梁淮徐之間方數千里人相食請賑之疏日上而天聽彌高公乃繪爲流民圖申之以說窮憐

此離之恠宛在目前疏入神廟惻然久之傳于三官  
省覽莫不泫然泣下遂出帑民數十萬往賑事載皇  
明從信錄甲午以掌吏垣叅是年大計激楊澄叙無  
枉無縱以仰贊平明之治公多力焉禮闈占經分較  
最稱得人公不認座主門生名語諸士曰朽夫辭此  
非敢矯情薦賢爲國不宜私樹桃李至其切磨道義  
期無愧賢科則不厭規誨之惓惓也開卷時公以中  
式人數不如例爭之甚力爲總裁洪都張相國所憾  
借事左遷陝西布政司照磨問報顯行無幾微訛於

色曰君命也何官無職業可修而鄙薄之乎關中當  
事者逆止之於途公始領差歸歸而興學講道弟子  
執經問業者百餘人所與往復問辨者如鄒南皋馮  
少墟呂新吾孟我疆劉兌陽耿天臺張和陽魏見泉  
楊後所徐匡獄馬見素諸君子疑義相析累千百言  
弗明弗措諸如修城闕葺學宮設義莊滿腔仁愛隨  
寓振流事無巨細處置必周居恒有言曰身有顯晦  
道無窮達孟子所云窮則獨善其身還覺非是家居  
二十七載經撫按疏薦二十餘次動以臯夔稷契謙

洛關閭閻之適遼事孔急公家食未嘗談兵而感時  
觸事慨然有請纓之志光廟御極以延議起太常少  
卿陸光祿卿是歲天啟辛酉都城始建首善書院公  
昔與鄒吉水馮三原等尺牘問辨者今則一堂共訂  
羽翼聖經此明興二百六十餘年理學振起之一會  
也轉南京通政使未行而司寇命下平恕明允每事  
必焚香告天會有挾私謂決獄無斷者公引年乞休  
疏凡數上得旨褒以清望暫准回籍卒於天啟甲子  
年七十七歲公毅然以斯道爲己任座右聯云植萬

古綱常要立定自家地步做兩間事業須推開物我  
藩籬又云道脉來千年都不住却教誰任志觀出一  
念肯加功終有成功嘗云性無不善心有不善文成  
無善無惡心之體言心非言性也故曰心不在焉存  
亡惟心之謂與其剖晰性命微旨語超悟則觀體陽  
明踏實地則表鉢文清尤于二氏教闢之不遺餘力  
晚年病宋儒有支離處著性理辯疑與學問答論性  
臆言山居功課等書行於世吳橋范文貞贊之曰論  
公之心則濟世安民之心論公之志則繼往開來之



志論公之學則躬行實踐之學論公之品則之金璞  
玉之品進則莫安宗社退則澤被閭里真天民先覺  
間世真儒直接洙泗嫡傳並駕程邵諸子道全德備  
仁至義盡優入聖域者矣

論性臆言

盈宇宙間只是一塊渾淪元氣生天生地生人物萬  
殊都是此氣爲之而此氣靈妙自有條理便謂之理  
蓋氣猶水火而理則其寒熱之性氣猶薑桂而理則  
其辛辣之性渾是一物毫無分別所稱與生俱生與

形俱形猶非至當歸一之論也夫惟理氣二也則得氣清者理自昭著人之所以爲聖爲賢者此也非理隆於清氣之內也得氣濁者理自昏暗人之所以爲愚不肖者此也非理殺於濁氣之內也此理氣斷非二物也正惟是稟氣以生也于是有氣質之性凡所稱人心惟危也人生有欲也幾善惡也惡亦是性也皆從氣邊言也蓋氣分陰陽中含五行不得不雜操不得不偏勝此人性所以不皆善也然此氣卽所以爲理也故又命之曰義理之性凡所稱帝降之衷也

民秉之彛也繼善成性也道心惟微也皆指理邊言也蓋太極本體立二五根宗雖雜操而本質自在縱偏勝而善根自存此人性所以無不善也夫一邊言氣一邊言理氣與理皆分道而馳哉蓋氣者理之質也理者氣之靈也譬猶銅鏡生明有時言銅有時言明不得不兩稱之也然銅生乎明明本於銅孰能分而爲二哉人性之大較如此如日專言理義之性則有善無惡專言氣稊之性則有善有惡是人有二性矣非至精之論也

氣質之性四字宋儒此論乃適得吾性之真體非但補前輩之所未發也蓋盈天地間皆氣質也卽天地亦氣質也五行亦陰陽也陰陽亦太極也太極固亦氣也特未落于質耳然則何以爲義理之性曰氣質者義理之體段義理者氣質之性情舉一而二者自備不必兼舉也然二者名雖並立而體有專主今謂義理之性出于氣質則可謂氣質之性出于義理則不可謂氣質之性與義理之性合併而來則不通之論也猶夫醋然謂酸出于醋則可謂醋出于酸則不

可謂醋與酸合併而來則不通之論也且氣質可以  
性名也謂其能爲義理也氣質而不能爲義理則亦  
塊然之物耳惡得以性稱之四字出于宋儒亦但謂  
補性之所未備而氣質外無性恐宋儒亦不得而知  
也吾讀性理諸篇而窺其所造矣

王陽明先生云無善無惡者心之體史太常玉池不  
然其言作性善說闢之余乃遺太常書曰伏見高識  
發揮性善之旨闢陽明于無善無惡之非功不在子  
與氏下矣明性亦有是疑近乃會得無善無惡之說

蓋指心體而言非謂性中一無所有也夫人心寂然  
不動之時一念未起固無所謂惡亦何所謂善哉夫  
子云吾有知乎哉無知也夫知且無矣何處覓善惡  
譬如鑒本至明而未臨於照有何妍媸故其原文曰  
無善無惡者心之體非言性之體也今謂其說與告  
子同不惜危論闢之竊恐起陽明子九原當必不肯  
心服也此事關係學脉非淺故敢爲是言以相証要  
亦未歸于是而已

范伯元問孟子道性善是專言義理之性乎曰世儒

都是此見解蓋曰專言義理則有善無惡兼言氣質則有善有惡是義理至善而氣質有不善也夫氣質二五之所凝成也五行一陰陽陰陽一太極則二五原非不善之物也何以生不善之氣質哉惟是既云二五則錯綜分布自有偏勝雜揉之病於是氣質有不純然善者矣雖不純然善而太極本體自在故見儒子人片而惻隱遇睚眦之食而不屑氣質清純者固如此氣質醇濁者未必不如此此人性所以爲皆善也孟子道性善就是道遠箇性從古聖賢論性就

只此一箇如曰厥有恒性繼善成性天命謂性皆是這一箇性孟子云動心忍性性也有命焉則又明指氣質爲性蓋性爲氣質所成而氣質外無性則安得外氣質以言性也自宋儒分爲氣質義理兩途而性之義始晦豈惟不知人無二性而一物分爲兩物乎所謂義理氣質者亦何嘗窺其面目哉善平范生志伊曰識得氣質之性不必言義理可也蓋氣質卽義理故不必更言義理也又云識得氣質之性不言氣質可也蓋氣質卽義理故不可專目爲氣質也此二



段語下段更爲精絕學者悟得此則不惑于氣質義理之兩說矣

善字有二義本性之善乃爲至善如眼之明鑑之明  
明卽善也無一善而萬善之所從出也此外有意之  
感動而爲善者如發善念行善事之類此善有感則  
生無感則無無乃適得至善之本體若有一善則爲  
一善所障而失其湛空之體矣這善字正是眼中金  
屑鏡中美貌美則美矣其爲障一也文成所云無善  
無惡者正指感動之善而言然不言性之體而言心

之體者性主其靜心主其感故心可言有無而性不可言有無也今日出入無時莫知其鄉惟性之謂與則說不去矣

氣質之性四字是宋儒指出而晉格真切見得理氣非二故于前人之說而更爲洗發一審意非低悟也